

Avà

Quante chjarantane schjariscenu le notte
È sogni secreti d'asserinà
Quante vele sparte à circà li so porti
Sceglii la to stella, hè ghjunta l'ora, avà.

Arruba l'ore à lu tempu, è le stonde à la memoria
È porta 'ssu vascellu da mare in là
Dopu à la timpesta voca nant'un mare d'oliu
Franca li l'arcani di u campà, avà.

□

Avà

C'hè un mondu novu à inventà
Tante passione à sazià
Abbranca la to vita avà

□

È per li ghjorni di primura
Ghjè a sicurezza in le to mani
Chì dà à lu sole la spera
Per tutti li to lindumani
Per tutti li to lindumani

Lascia suminà da li venti e to voglie
Elle stamperanu la to storia
È sè trà i fiori colti, ùn ci n'hè trifoglii
Fà d'ogni scunfitta una vittoria, avà.

□

Avà

C'hè un mondu novu à inventà
Tante passione à sazià
Abbranca la to vita avà

È per li ghjorni di primura
Ghjè a sicurezza in le to mani
Chì dà à lu sole la spera
Per tutti li to lindumani

Per tutti li to lindumani

Quante vele sparte

Voglie suminate

Abbrancati la vita

Sceglia la to stella, hè ghjunta l'ora, avà.